

BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Communicaziun a las medias
Cuira, ils 21 da matg 2021


Giovanni Giacometti. Ils gronds panoramas 05-06 – 29-08-2021

Ils 5 da zercladur vegn averta l'exposiziun da stad "Giovanni Giacometti. Ils gronds panoramas" en il Museum d'art dal Grischun. L'exposiziun en il tract nov dal museum vegn mussada fin ils 29 d'avust 2021.

Il punct da partenza da l'exposiziun è il panorama da l'Engiadina da Giovanni Giacometti, che cumpiglia quatter parts e che sa chatta da nov puspè sco emprest permanent en il Museum d'art dal Grischun. L'artist è vegnì involvì da Giovanni Segantini en il project dal grond panorama per l'exposiziun mundiala a Paris da l'onn 1900. Suentar che questa idea ha fatg naufragi ha el sez picturà differents panoramas: Suentar il Panorama da Muottas Muragl (1898) ha Giovanni Giacometti picturà ina vista da la cuntrada da l'Engiadin'Ota cun l'imposant hotel Palace da Malögia (1899) e sco finiziun da quests maletgs represchentativs ch'el ha fatg sin incarica ha el stgaffi l'enconuschent Tripticon per l'hotel Waldhaus a Flem (1904). Quests trais maletgs han procurà per in cumenzament fulminant da la carriera da Giovanni Giacometti e mussan, co ch'il pictur ha instradà sia atgna via e co ch'el ha chattà ses stil da malegiar caracteristic.

En l'exposiziun pon ins contemplar per l'emprima giada cuminaivlamain questas ovras ed ins vesa, co ch'in artist d'aut rang sa deditgescha ad in tema spezial ch'è d'impurtanza istoric-culturala e che ha promovì quella giada las ideas turisticas.

L'exposiziun ed il catalog che cumpara en quest connex cun contribuziuns da Stephan Kunz, da Paul Müller e da Cordula Seger undreschan d'ina vart la prestaziun artistica da Giovanni Giacometti e dilucideschan da l'autra vart istorgias interessantas davart l'incarica per mintga singul maletg. Ina da questas istorgias maina puspè enavos als patruns da construcziun da la Villa Planta, nua ch'il Museum d'art dal Grischun sa chatta oz; quai dat in senn spezial a l'exposiziun en quest lieu.



BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Giovanni Giacometti

Naschè l'onn 1868 a Stampa. Savrin dal pictur Augusto Giacometti. Maridà cun Annetta Giacometti. Bab dad Alberto, Diego, Ottilia e Bruno Giacometti.

Suenter avair frequentà la Scola chantunala a Cuira è el sa decidì l'onn 1886 da studegiar pictura a Minca. L'onn 1887 ha el inscuntrà a Minca Cuno Amiet, cun il qual el ha gì ina amicitia per vita duranta. L'exposiziun internaziunala d'art en il Palaz da vaider a Minca l'onn 1888 ha dà ina impressiun decisiva da la pictura franzosa sut tschiel avert ed è stada il motiv per la translocaziun a Paris. Studi a l'Académie Julian, cuminanza d'atelier e d'abitar cun Cuno Amiet. Ils mais da stad passentavan ils dus a Soloturn ed a Stampa. L'onn 1894 ha el gì in inscunter decisiv cun Giovanni Segantini a Malögia. L'onn 1898 ha Giovanni Giacometti exponì cun Ferdinand Hodler e Cuno Amiet en la Chasa d'art a Turitg. La mort da Segantini l'onn 1899 è stada in dir culp per Giacometti sco uman, a Giacometti sco artist èn percenter s'avertas novas vias. Giovanni Giacometti è sa participà l'onn 1908 a l'exposiziun "Brücke" en il Salon Richter a Dresden. Suandads èn numerusas exposiziuns individualas, participaziuns ad exposiziuns ed emprims success internaziunals. Cura che Giovanni Giacometti è mort l'onn 1933, era el in pictur etablì e celebrà sin plaun nazional.

Orientaziun a las medias

Gievgia, ils 3 da zercladur 2021, a las 10.00
Museum d'art dal Grischun, Cuira
(annunzias: k.gartmann@bkm.gr.ch, tel. 081 257 28 65)

Exposiziun

dals 5 da zercladur fin ils 29 d'avust 2021
mardi fin dumengia, da las 10.00 fin las 17.00
gievgia, da las 10.00 fin las 20.00

Occurrenz

En connex cun l'exposiziun èn planisadas differentas visitas guidadas ed occurrenz. Infurmaziuns actualas davart las datas e davart las cundiziuns d'annunzia èn publicadas sin la pagina d'internet dal Museum d'art dal Grischun buendner-kunstmuseum.ch.

Contact per las medias

Museum d'art dal Grischun, Cuira
Stephan Kunz
Directur artistic
tel. +41 81 257 28 61
stephan.kunz@bkm.gr.ch